

*Floavit et anno peregrinatio hic studio,  
Sustinxit multa tranquilla mente flagella  
Corporis! Hunc recreat lectio sancta frequens.  
Hunc nullum sequitur pro tali verbere murmur,  
Grates sed dat ei qui sibi tot tribuit.  
Sicque, novem lustris in religione peractis,  
Dat metam studiis, viribus, imperitis.  
Quod si quis querit quo consilie exitus illi,  
Hunc praecursoris sciat in Natale Joannis.  
O pie Baptista, noster pius Israëlitæ  
Tecum jungatur, residet quo lumine Christus.*

**A** **ALIUD.**  
*Abbas Beccensis, cuius sermo fuit encis,  
Abradens vitium, quo datur esitium.  
Boso, Pater magnus, tumidis leo, mitibus agnus,  
Et dulcis populo, fit cinis hoc tumulo.  
Fit cinis hac tumba, qui serpens atque columba  
Ex probitate fuit, vivere dum potuit.  
Ergo videns verus, atra ne sit Stige verens,  
Regi sunde preoem, quem nosce esse necem.  
Credimus et caelis, scandit quos quicque fidelis.  
Dei pius esse sibi, qui Deus exaltat ibi. Amen.*

## VITÆ VENERABILIS THEOBALDI QUINTI ABBATIS BECCI, POSTEA ARCHIEPISCOPI CANTUARIENSIS, COMPENDIUM.

Defuncto venerabili et sapienti viro Bosone abbatte, suscepit curam Beccensis monasterii Theobaldus, vir generis clarus, moribus ornatus, vita honestus, litteris bene eruditus. Hic tempore Domini Wilhelmi abbatis venit ad ordinem, ei suscepto habitu religioso per plures annos in claustrorum vixit, acceptus omnibus. Deinde ipsius loci factus est prior decem annis, et, obeyente Bosone abbate, electione totius congregacionis abbas est subrogatus. Non multo post, Deo disponente, et Stephano rege cum regina Mathilde vocante, cleroque assentiente, et populo acclamante, in Angliam traducitur, et cum magno gudio excipitur. Mox Cantuarie a Baldwino Romane sedis legato, totius Britanniae archiepiscopus consecratus est. Inter haec plurima adversa a viris utriusque ordinis perpessus est. In primis quando abbas electus fuit, Hugo Rothomagensis archiepiscopus ejus electionem quassare voluit, quia eo inconsulto facta fuerat; sed, interveniente venerabili Audeno Ebroicensi venerabili episcopo, praedictæ electioni assensum præbuit. Verumtamen benedictionem abbaticæ dare ei distulit quatuordecim mensibus causa professionis, quam facere solebat, quia antecessores ejus nequaquam eam fecerant. Verum deprecatione atque consilio Petri abbatis Cluniacensis, qui tunc forte in Northmannia erat, archiepiscopus sine scripto, solo verbo, suscepit ab eo professionem, et sic benedixit quem postea plurimum dilexit. In episcopatu vero positus multa pertulit pene usque ad mortem; nam postquam Eustachius regis filius crevit, et miles effectus est, voluerunt rex et regina, atque Wentanus episcopus Henricus regis frater, ac multi de procuribus, maxime gregarii milites qui juvenem anibabant, ut archiepiscopus eum in regem ungeret. Quod quia archiepiscopus facere noluit, Henricus enim Mathildis imperatricis, Henrici regis filie, filius, Angliae immixebat, regnum suum hereditarium armis pervadens,

**B** ira regis contra eum in tantum effebuit ut, cunctis audiensibus, diceret quod in se 52 idem archiepiscopus minime considerare valoret, manum propriam in eum nequaquam mitteret, suorum autem si quis aliquam ei injuriam faceret, ipse non curaret. Quo auditio archiepiscopus confestim discessit a curia, ad quam tunc perreverat; ascensaque navi Tamessin transibat, cum ecce duodecim fore milites secuti sunt eum cum gladiis, ut eum perimerent, vel membris debilitarent; sed cum illæsum ille conservavit qui suos, quando vult, custodire novit. Acta sunt haec circa octavas Paschæ. Multa etiam, ut ejus vitam ac famam dehonestaarent, in populos de illo opprobria seminabant. Deo vero universa disponente, qui, quando vult, eripit suos de angustia, annullatis omnibus insidiis, tandem finem his malis imposuit. Hebdomada enim ante Rogationes, finem vivendi et regnandi regina subiit. Porro Eustachius ejus filius, multorum malorum, sed et supradictæ perturbationis causa, non multo post hominem exiit. Quos Stephanus rex subsecutus terminum tantis cladibus dedit, et moriens populo regnoque pacem reliquit. Henricus demum, iam totius Northmannie dux, Angliam ingressus, sibi jure hereditario debitum regnum obtinuit; quo in regni culmine jam confirmato, Henricus frater regis Stephani, Wintoniensis episcopus, a regno discessit et clam mare transiit. Sieque prospiciens ex alto, justus Judex archiepiscopum Theobaldum de periculis maximis eripuit, et ejus omnes inimicos ad nihilum rediget. Nonnullis autem postea feliciter vixit annis; hominem vero exiit anno Verbi incarnationis millesimo centesimo quadragesimo nono, decimo quarto Kalend. Maii, feria tertia Paschæ. Beccensem sane abbatiam annis duabus et dimidio rexit, archiepiscopatum vero annis viginti, diebus totidem ac mensibus tribus.